

Na osnovu člana 10. Pravilnika o stipendiranju učenika/šegrti iz oblasti deficitarnih i starih tradicionalnih zanata/zanimanja u školskoj 2017/18. godini („Službene novine Kantona Sarajevo“ br. 11/17), Općinski Načelnik raspisuje:

JAVNI POZIV

za stipendiranje učenika/šegrti iz oblasti deficitarnih i starih tradicionalnih zanata/zanimanja u školskoj 2017/18. godini

Pravo učešća na Javnom pozivu imaju učenici I, II i III razreda srednjih strukovnih škola (deficitarni zanati) koji nisu obnavljali godinu i učenici starih tradicionalnih zanata (šegrti koji zvanje stiču kod majstora starih zanata) uz ispunjavanje sljedećih uslova:

- da su državljani BiH
- da imaju prebivalište na području općine Stari Grad Sarajevo duže od tri godine
- da nisu stariji od 20 godina
- da su u prethodnoj školskoj godini postigli uspjeh u školi i to: učenici srednjih strukovnih škola (deficitarni zanati) sa najmanjom prosječnom ocjenom 3,00, a učenici starih tradicionalnih zanata sa najmanjom prosječnom ocjenom 3,00 u posljednjem završenom razredu osnovne škole

Pravo učešća na Javnom pozivu za stipendiranje imaju učenici srednjih strukovnih škola i učenici starih tradicionalnih zanata/šegrti koji se školuju za sljedeća zanimanja:

1. Deficitarni zanati: vodoinstalater, keramičar, električar, tapetar, dekorater, optičar, obučar, krojač, limar, bravar, staklar, hemijski čistač, zlatar, slikanje na tekstu i tekstilnim vlaknima i keramici
2. Stari - tradicionalni zanati: filigranist, kujundžija, graver, kazandžija, puškar, krojač narodnih nošnji i odijela, krznar, krojač krzna i kože, remenar, sedlar, rukavičar, kapar, šeširdžija, proizvođač papuča (papudžija), časovničar (sahadžija), staklar, obrađivač optičkog stakla, staklopuhač, jorgandžija, oštrač, kovač, tašnar, izrađivač nanula i klompi, dimnjačar, brijač, užar i izrađivač vrpce (gajtandžija), bojadžija, kaligraf, grnča

U školskoj 2017/18. godini stipendirat će se:

a) DEFICITARNI ZANATI

- Četiri (4) učenika

b) STARI – TRADICIONALNI ZANATI

- Tri (3) učenika

Stipendije se dodjeljuju za tekuću školsku godinu i isplaćivat će se za devet mjeseci za period septembar - decembar 2017. godine i februar - juni 2018. godine. Visina mjesečne stipendije iznosi 80,00 KM.

Ukoliko neko od aplikanata ostvari stipendiju kod nekog drugog fonda, institucije ili po bilo kom drugom osnovu, isti se briše sa bodovne liste, a općinsku stipendiju dobija sljedeći sa liste. Ovaj princip primjenjivat će se i u slučaju ukoliko ne bude dovoljan broj aplikanata prijavljenih za stipendiranje deficitarnih zanata/zanimanja, u tom slučaju stipendije će se dodijeliti aplikantima starih tradicionalnih zanata/zanimanja i obrnuto, a sve u okviru predviđenog Plana stipendiranja.

Uz prijavu je neophodno priložiti sljedeće dokumente (orginale ili ovjerene kopije):

1. Izvod iz matične knjige rođenih (sa neograničenim rokom važenja)
2. Cips – prijava o mjestu prebivališta (ne starija od šest mjeseci)
3. Kućna lista o broju članova porodičnog domaćinstva (ovjerena od strane općinskog organa)

4. Potvrda o upisu kandidata u tekuću školsku godinu za učenike koji stiču zvanje iz oblasti deficitarnih zanimanja u okviru redovnog sistema srednjeg obrazovanja
Svjedočanstvo iz prethodne godine za kandidate koji stiču zvanje iz deficitarnih zanimanja i svoje obrazovanje stiču u redovnom sistemu srednjeg obrazovanja
5. Potvrdu o redovnom pohađanju majstorskog zanata za učenike koji svoje zvanje stiču kod nekog od majstora starih zanata izdatu od strane majstora-obrtnika (registrovan u Obrtničkoj komori u Kantonu Sarajevo) za učenike/šegrte koji stiču zvanje iz starih - tradicionalnih zanata
6. Izjavu o odgovornosti šegrta-aplikanta (šegrta ili roditelja za maloljetnog učenika/aplikanta) o redovnom pohađanju majstorskog zanata
7. Dokaz o učešću i postignutim rezultatima na kantonalnom, federalnom, državnom i međunarodnom takmičenju za školsku/akademsku 2016/17. godinu (dostavljaju svi aplikanti koji su učestvovali na navedenim takmičenjima u prošloj školskoj godini u cilju ostvarivanja dodatnih bodova)
8. Dokaz o ličnim primanjima za sve članove domaćinstva (zaposleni-ovjerena platna lista za posljednji mjesec; penzioner/invalid-posljednji ček od penzije; nezaposleni-potvrda o nezaposlenosti Biroa za zapošljavanje; učenici/studenti-potvrda o redovnom školovanju)
9. Dokaz da je učenik/šegrt bez jednog ili oba roditelja (izvod iz Matične knjige umrlih)
10. Izjava o odgovornosti (ovjerena od strane nadležnog organa) da kandidat nije ostvario pravo na stipendiju od druge institucije u tekućoj školskoj godini

Dodatni bodovi koji se odnose na nizak porodični standard i otežane uvjete života će se vrednovati samo po jednom osnovu, a koji je povoljniji za aplikanta. Ukoliko aplicira veći broj učenika/šegrta koji zadovoljavaju kriterije Pravilnika, a u odnosu na Plan stipendiranja sa istom prosječnom ocjenom, prednost će imati kandidati sa nižim porodičnim standardom. Svaki učesnik u Javnom pozivu biće pismeno obaviješten o rezultatima izbora najkasnije u roku od 15 dana od dana izbora, a prigovor se može podnijeti Drugostepenoj stručnoj komisiji Općinskog vijeća u roku od osam dana od prijema obavještenja. Odluka Drugostepene komisije Općinskog vijeća je konačna.

Javni poziv je otvoren 30 dana od dana objavljivanja u dnevnim novinama i na web stranici Općine Stari Grad (www.starigrad.ba).

Molba/prijava se podnosi **obavezno** na propisanom obrascu (obrazac se može preuzeti u Šalter sali Općine i/ili na web-stranici Općine) i predaje se na protokolu Općine ili putem pošte na adresu :

Općina Stari Grad Sarajevo
Služba za obrazovanje, kulturu i sport
Ulica Zelenih beretki broj 4
71000 Sarajevo

Nepotpune i neblagovremene prijave neće se uzeti u razmatranje. Za sve dodatne informacije kandidati se mogu obratiti Službi za obrazovanje, kulturu i sport (sprat VI – kancelarija 610) ili na telefon: 033/282-365

Sarajevo, 30.10.2017.godine
Broj:15-38-7806/17

OPĆINSKI NAČELNIK
mr. Ibrahim Hadžibajrić